




Ayera mi a hayami ta scucha algun bolero di añanan 50 y 60 y mi a bisa cu “e voz ey y e estilo ey ta conoci”.

Poco bolero masha bunita canta y boleronan clasico.

Mi a wordo bisa cu ta e cantante Roberto Agumero, conoci como e cantante y pelotero popular “RO” Agumero, tempo di equipo Lucky Strike.

Mi no tabata na altura cu Ro a saca un CD cu boleronan clasico.

Pakico e CD aki ta asina importante pa mi? Pasobra ta trata di un di e cantantenan mas grandi di bolero di nos isla.

Ro Agumero tabata popular cu **Los Principes** cu entre otro **Joy Kock**, **Lucio Rivandeneira**, **Harry Rodriguez** (awe difunto) y tabata e “localnan grandi” di Bali Bar di Aruba Caribbean Hotel.

Despues Ro a canta den **Nueva Sensacion** den añanan 60 y principio di 70, e tabata un temporada tambe cu **Playa Sextet**.

Ro a graba cu sosten di **UNOCA** e CD “**Aquella Epoca**” cu boleronan clasico, cu pa bisa vberdad, mi a scucha pa prome biaha ayera.

Cancionnan bolero manera “**Toma mi vida**”, “**Lagrimas**”,

Aquella Epoca II ta ser bautiza Diadomingo

mas y tristeza”, “**Cabaretera**”, “**El bardo**”, “**Llanto en el cielo**”, “**No sufras mas corazon**” y “**Olvidame**” ta riba e CD aki.

No por keda sin menciona e bolero “**La nave del olvido**” cu el a graba na papiamento como “**E barco di esperanza**”, e balada “**Te he perdido**” y e beguine di mas popular di añanan 50 “**La calle donde vives**” di e cancion americano “**The street where you live**”.

Pero mas despues atami a ricibi bishita di Ro, cu a trece pa mi invitacion pa bautizo di e di dos CD di bolero, e “**Aquella Epoca II**” diadomingo awor pa 4 or den La Ronda den Socotorolaan. E potret chiquito ta di e caratula di e CD Nobo.


Mi a conversa cu varios veterano di musica riba e CD nan aki, y cada un a duna di conoce cu nan lo ta presente diadomingo pa e bautizo, y naturalmente pa scucha Ro Agumero canta algun di su boleronan clasico atrobe.

Mester menciona e colaboracion cu el a ricibi di Frank Granadillo y Joy kock, Lucio

Rivandeneira, Papito Rafael, Pedro Velasquez y Etty Toppenberg entre otro pa su di dos CD y Pepe Gonzalez cu tambe semper ta cla pa colabora cu su guitaranan.

E CD a wordo graba cerca **Johnny Scharbaay** den su **Capricorn Recording Studio** y aki caba ta conoci cu su calidad ta garantiza.

Ta spera dimira hopi di e coleganan cantante y di musica di Ro diadomingo pa bautizo di su di dos CD y cu e CD lo haya bon acogido cerca amantenan di bolero, pasobra e voznan di ayera nos no ta haya mas riba nos isla,



y nos veteranonan manera Ro Agumero ta esnan cu por a para banda di cualquier bolerista di exterior den nan epoca. Manera un colega hoben a bisami ayera anochi: “**Mi lo no a kere cu ta un Arubiano ta cantando ey, si bo no a bisami**”.

Ro masha pabien di awor!

Juby Naar.

